



Data: 11.02.2019

Ref.: 178/190

Në mbështetje të Nenit 4 dhe 23 të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-031, datë 25. 05. 2016), Nenit 7 dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

I. Refuzohet pjesërisht kërkesa e Universitetit të Prishtinës “Hasan Prishtina”, Fakulteti Ekonomik, Nr.1436/18, datë 29.10.2018 për akreditim/riakreditim të programeve të studimit:

- Marketing, BSc, 180 ECTS; dhe
- Marketing, MSc, 120 ECTS.

II. Ky vendim hyn në fuqi me nënshkrimin e tij.

Arsyetimi

Universitetit të Prishtinës “Hasan Prishtina”, Fakulteti Ekonomik (tash e tutje Fakulteti Ekonomik) ka parashtruar kërkesë (Nr.1436/18, datë 29.10.2018) në Agjencinë e Kosovës për Akreditim për akreditim dhe riakreditim të programeve të studimit si në vijim: Ekonomi e Aplikuar dhe Menaxhment (gjuhë angleze), BSc, 180 ECTS; Ekonomiks (gjuhë angleze), PhD, 180 ECTS, Kontabilitet, BSc, 180 ECTS; Ekonomiks, BSc, 180 ECTS; Ekonomiks (gjuhë angleze), MSc, 120 ECTS; Ekonomiks), MSc, 120 ECTS; Menaxhment, BSc, 180 ECTS; Menaxhment, MSc, 120 ECTS; Menaxhment, PhD, 180 ECTS; Marketing, BSc, 180 ECTS; Marketing, MSc, 120 ECTS, dhe Marketing, PhD, 180 ECTS.

Bazuar në Nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KSHC në mbledhjen e mbajtur më 15 dhe 16 janar 2019 ka trajtuar aplikacionin e Fakultetit Ekonomik, dhe pas analizës së dokumentacionit të stafit akademik bazuar në pikën 1.2 të këtij Neni, ku thuhet, “Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të

të dhënave të dorëzuara nga institucionet e arsimit të lartë përgatitet nga stafi i AKA-së”, erdhi në përfundim se programet e studimit, Marketing, BSc, 180 ECTS; Marketing, MSc, 120 ECTS, dhe Marketing, PhD, 180 ECTS, nuk i plotësojnë kushtet ligjore për aprovim nga KShC.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: “Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

1. Për programin e studimit: *Marketing, BSc, 180 ECTS*, si bartës të këtij programi Fakulteti Ekonomik ka paraparë tre persona: Fatos Ukaj (PhD në Shkencat e Ekonomisë); Visar Rrustemi, dhe Sadete Pllana.

Sipas paragrafit të fundit të nenit 26, pika 5.3.4 e Udhëzimit Administrativ për Akreditim, kërkohet që: “për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”. Programi i studimit *Marketing, BSc, ka 180 ECTS*, dhe rrjedhimisht duhet ti ketë të paktën tre persona me gradën akademike PhD, nga fusha e programit të studimit.

Pas kontrollimit të dokumentacionit të dorëzuar nga Fakulteti Ekonomik, u konstatua që Sadete Pllana është PhD në Përkthime, fushë kjo e cila nuk ka të bëjë asgjë me programin e studimit *Marketing*, andaj si i tillë nuk mund të merret në konsideratë si bartës i këtij programi.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit të fushës së programit të studimit ta refuzoj aprovimin e aplikacionit për programin e studimit *Marketing, BSc, 180 ECTS*.

2. Për programin e studimit: *Marketing, MSc, 120 ECTS*, si bartës të këtij programi Fakulteti Ekonomik ka paraparë dy persona: Besim Beqa, dhe Hykmete Bajrami (PhD në Shkenca Ekonomike).

Sipas paragrafit të fundit të nenit 26, pika 5.3.4 e Udhëzimit Administrativ për Akreditim, kërkohet që: “për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”. Programi i studimit *Marketing, MSc, ka 120 ECTS*, dhe rrjedhimisht duhet ti ketë të paktën dy persona me gradën akademike PhD, nga fusha e programit të studimit.

Sipas nenit 30 të Udhëzimit Administrativ për Akreditim, “IAL-të, duhet të dorëzojnë deklaratat e stafit akademik të angazhuar jo më larg se data 31 tetor”, pra Fakulteti Ekonomik ka qen i detyruar që të deklaroj stafin akademik me se largu deri me 31 tetor 2018. Njëri nga bartësit e këtij programi, përkatësisht Besim Beqaj nuk është e deklaruar fare për angazhimin e tij si staf akademik në këtë institucion, sipas afateve të parapara me UA për Akreditim.


Bazuar në pikën 3 të nenit 30 të UA për Akreditim, “Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”, andaj Besim Beqaj nuk mund të merret në konsideratë për këtë program të studimit pasi që e njëjta nuk i plotëson kushtet ligjore sipas 3 të nenit 30 të UA për Akreditim 15/2018.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC vendosi që në mungesë të stafit të fushës së programit të studimit ta refuzoj aprovimin e aplikacionit për programin e studimit *Marketing, MSc, 120 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- Universiteti i Prishtinës "Hasan Prishtina", Fakulteti Ekonomik;
- MASHT-it; dhe
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

